

中國方志叢書・華中地方・第五六五號

據

清・疏篴等纂修
清道光九年刊本

影印

浙江省

武康縣志



9/22/04

成文出版社有限公司印行



10097715

中國方志叢書·華中地方·第五六五號


據

清·疏篴等纂修
清道光九年刊本

影印

浙江省

武康縣志



422/04
成文出版社有限公司印行



10097714

中華民國七十二年三月臺一版

武康縣志

第五冊

發行人：黃

成

助

台北郵政信箱二二六〇五號

出版者：成文出版社有限公司

台北郵政信箱二二六〇五號

台北市杭州南路一段6巷9號3F

電話：三九一六四一六（五線）

印刷者：上林彩色印刷有限公司

台北市大理街145號

新聞局出版登記證：局版台業字第二四三號

本書原稿承國立故宮博物院惠借

謹致謝意

具在有志者勉之

晉

賀循字彥先山陰人太安初以秀才令陽羨調武康俗多
厚葬及拘忌停喪者循皆禁焉政教大行石冰之亂循
起義兵助顧秘討平之以無援於朝久不進序著作郎
陸機稱其德量遠茂才鑒清遠風操凝峻歷試二城政
刑肅穆久之召爲太子舍人歷官至太子太傅卒贈司
空諡曰穆

晉書
本傳

袁猷字平甫夏陽人少與兄瓌齊名代瓌爲呂令復相繼

爲江都令及渡江令武康皆有政聲厯官侍中衛尉卿

晉書袁

瓌傳

朱齡石字伯兒沛人義熙初以鎮軍參軍遷武康令時喪

亂之後邑人姚係祖招聚亡命據險爲盜郡縣不能討

齡石至佯與親厚召爲參軍乃因宴會斬之卽率吏人

馳至其家掩其不備悉滅其黨一縣得安後以平蜀功

封豐城侯

宋書本傳

按舊志係祖作繼祖義熙作武帝今據宋書通

志府志正之詳辨訛

齊

傅炎字季珪靈州人美姿儀善吏治永光元年補武康令
廣威將軍邑人謂之傅聖炎有理縣譜子孫相傳不以
示人賜爵新亭侯南史

按舊府縣志載炎決賣針賣糖兩姥爭團絲一
獄考齊書并南史事在爲山陰令時今刪之詳
辨訛

梁

何遠字義方鄒人仕梁歷鎮南將軍爲武康令厲廉節除

淫祀正身率職太守王彬巡諸縣皆盛供帳以待遠但
設糗水彬去遠送至境進斗酒隻鵝而別彬戲之曰卿
禮有過陸納將不爲古人所笑乎武帝聞其能擢宣城

太守

南史
本傳

殷不佞字季卿長平人少立名節以至孝稱元帝承聖初
以戎昭將軍爲武康令時兵荒饑饉百姓流移不佞循
撫招集襁負至者以千數後仕陳官至通直散騎常侍

右丞

陳書殷
不害傳

唐

獨孤及字至之洛陽人天寶末以道行舉高第令武康多
惠政嘗作亭於縣之西北山以時遊憩後人思其澤因
名山曰獨孤山畝曰獨孤畝厯官常州刺史卒諡曰憲
慶澄廣德二年以左兵曹參軍兼令武康德清二縣先是
袁鼂之亂德清人沈浩聚亡命應之縣郭居民悉爲灰
燼澄於瓦礫荆棘之場創制屋宇招集逋亡未及期年
悉復其舊越歲殷繁過半

明一
統志

按府志沈浩德清人舊志作邑人誤今正之

許授京兆杜陵人德宗時爲縣丞秩滿去囊無長物葺

於霅溪之上忘情進取妻韋氏贊家道以供先祀授沒
後食貧以終常不舉火元和二年卒權德輿志其墓

府志

宋

毛滂字澤民三衢人元符二年任守道愛民政平訟簡暇
則尋訪山水吟咏自娛署中構東堂并生遠樓畫舫齋
清泉修竹率多遠韻作長短句輯之爲東堂詞時鄰邑
多歉武康獨稔焉

府志

貝欽世字聖美越州上虞人紹興二十四年進士爲縣丞
居官廉介太守王十朋表薦之改江陰令去任時百姓

攀號餞別官至建康簽判以疾卒於家

於越新編

方道字夷吾嚴州人淳熙八年知縣事決獄公平不科罰
一錢提刑劉頴行郡謂守曰自蘇至此獨武康無一訟
牒時稱盛治去任時百姓遮道挽留官至淮南安撫司

參議

府志

程九萬字鵬飛九華人紹熙進士淳熙中知縣事首訪儒
術設施有度邑有頑民通奸吏盜占官地悉繩以法境
內肅然政暇尤喜吟咏著有松桂林集秩滿去邑人攀
餞間巷爲空

通志

方懋德南陵人爲武康尉有吏才先是有丐者至縣民沈氏家遣之不滿其意堅臥不去尋死仇人訟之獄久未決懋德至廉得其實卽出之一邑皆驚上官聞其能交

今薦累遷左從政郎

元

沈夢麟字元昭歸安人至正間由婺州學正遷武康尹本儒術以飭吏治不尚刑罰民愛之若父母吏亦懾伏靡骫法者所著有花溪集

府志

按婺州府志作婺源州誤

曹伯淵字子澄長興人有至行元季爲教諭厥職修舉遷
常熟教授

明

李大春荆山人吳王元年任時兵燹之後殫力建置規制
一新遷贛州府同知

張居敬字大欽保定人洪武四年任公正廉平吏民畏服

學校壇宇靡不修治

通志

吳率正名澣以字行金谿人洪武二十五年任興學校課
農桑抑強豪扶良善搜蠹便民朝廷嘉之特賜靴襪酒

內尋被誣遠繫縣民楊審七等具政績二十餘條赴部

陳寃上命頒布天下以旌廉能後陞太原知府

通志

林若思蒲陽人永樂中由倉曹遷巡檢所在有聲正統十

四年授武康縣簿孳奸殖良閭里安靖景泰間考績離

任邑人相率留之不得刑部郎中沈彬爲文以贈其行

陳景隆字茂之長樂進士成化十三年任村識通敏襟度

坦曠當官者委心赴訟者輸款再考書最徵爲監察御

史

通志

歐陽復字孟亨衡州進士成化十六年任以能稱時境內

有虎患復禱於神日獵五虎民患以除尋陞監察御史

通志

易綱字正道衡陽舉人宏治十一年任持身廉潔蒞政寬和散利薄征緩刑弛役有古循吏風民愛之如父母焉許英字世傑丹徒人宏治十一年任縣丞性剛直不畏強禦多所興建

周齡字實穎吉水監生宏治十二年任教諭有學有行士心悅服

謝玘字文振閩清監生宏治十三年爲訓導經明行修士

咸得其教益

方鐸字廷論合肥進士正德十年知縣事潔已愛民政平

訟簡吏民悅服

通志

桂萼字子實安仁進士正德十二年知縣事下車首毀淫祠旌善良恤孤寡敦儉樸鋤奸暴暇則單車適野問民疾苦日進諸生試之得駱文盛駱任遠等三十餘人嚴立課程務在實踐化僧道爲編民者數百人居官半載民俗丕變以內艱去後以議大禮仕至武英殿大學士

諡文襄

明史

張憲字守之鳳陽舉人嘉靖五年知縣事性仁厚弗尚嚴威事以漸舉凡學校橋梁道路公署多所修葺民弗爲病再考陞刑部主事去人頗思之

許梁字大用閩清人嘉靖二十二年由嵎學訓導遷學教諭丰度雅秀意趣不羣蒞任月餘卽乞休致縣尹及諸生留之弗克爲詩以贈其行

程嗣功號午槐歙縣人弱冠成進士嘉靖二十六年知縣事居官如水聽訟若神胥吏奉公遵法賦役惟均民樂生勤職去之日爲立去思碑